

Izveštaj o radu Uprave policije MUP-a Kantona Sarajevo za mjesec novembar 2019. godine

KRIMINALITET

STATISTIČKI POKAZATELJI

U mjesecu novembru 2019. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 457 događaja sa obilježjem krivičnog djela (114 ili 33,2% više u odnosu na isti mjesec prethodne godine).

Od ukupno broja registrovanih događaja sa obilježjem krivičnog djela, 208 ili 45,5% je evidentirano po poznatom izvršiocu, a 249 ili 54,5% po nepoznatom izvršiocu.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 268 obavijesti (73 manje) o događajima u kojima je pričinjena neznatna materijalna šteta

Od ukupno 249 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 66 ili 26,5% (što je za 9,6% manje u odnosu na uporedni mjesec) od čega je 37 evidentirano u mjesecu novembru, a 29 u ranijem periodu.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U MJESECU NOVEMBRU 2019/18. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
NOVEMBAR 2019. GODINE	457	208	249	66	29	249	10	146	114
NOVEMBAR 2018. GODINE	343	196	147	53	24	246	10	144	101
<i>uporedba</i>	<i>114</i>	<i>12</i>	<i>102</i>	<i>13</i>	<i>5</i>	<i>3</i>	<i>0</i>	<i>2</i>	<i>13</i>
	<i>33,2%</i>	<i>6,1%</i>	<i>69,4%</i>	<i>24,5%</i>	<i>20,8%</i>	<i>1,2%</i>	<i>isto</i>	<i>1,4%</i>	<i>12,9%</i>

U toku mjeseca novembra prijavljeno je 249 lica (tri više), 146 povratnika (dva više) (ili 58,6% od ukupnog broja prijavljenih lica), 10 maloljetnika (isti broj), a 114 lica je lišeno slobode (13 više).

Za događaje sa obilježjem krivičnog djela koji su evidentirani u mjesecu novembru 2019. godine, prema izjavama oštećenih lica, nastupila je materijalna šteta u ukupnom iznosu od 595.563,04 KM i 13.700 €.

NA PODRUČJU KANTONA SARAJEVO PREMA KRIVIČNOM ZAKONU FBiH-a I KZBiH-a

KZ FBiH-a i KZ BiH-a	NOVEMBAR 2019.	NOVEM BAR 2018.	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijtlenih događaja	
			+ / -	%			broj	%
Protiv života i tijela	27	28	-1	-3,6%	22	5	5	100%
Protiv slobode i prava čovjeka i građanina	30	24	6	25%	27	3	2	66,7%
Protiv spolne slobode i morala	0	2	-2	---	0	0	0	---
Protiv braka, porodice i mladeži	31	21	10	47,6%	31	0	0	---
Protiv zdravlja ljudi	38	46	-8	-17,4%	38	0	0	---
Protiv privrede, poslov. i sig. plat.prom.	0	1	-1	---	0	0	0	---
Protiv imovine	270	181	89	49,2%	36	234	56	23,9%
Protiv opće sigurnosti ljudi i imovine	9	4	5	125%	3	6	3	50%
Protiv sigurnosti javnog prometa	11	8	3	37,5%	11	0	0	---
Protiv pravosuđa	3	2	1	50%	3	0	0	---
Protiv javnog reda i pravnog prometa	27	21	6	28,6%	26	1	0	0%
Protiv podmićivanja i krivična djela protiv službene i druge odg. funkcije	7	0	7	---	7	0	0	---
ZONDINOIM-a (Sl.novine KS br.01/18)	4	5	-1	-20%	4	0	0	---
UKUPNO	457	343	114	33,2%	208	249	66	26,5%

U mjesecu novembru 2019. godine u odnosu na isti mjesec prethodne godine, zabilježeno je povećanje broja registrovanih događaja sa obilježjem krivičnog djela za 114 ili 33,2%. Najznačajnije povećanje zabilježeno je u oblastima protiv imovine (za 89 događaja) i braka, porodice i mladeži (za 10), dok je najznačajnije smanjenje evidentirano u oblasti protiv zdravlja ljudi (za osam događaja).

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

Tokom novembra 2019. godine evidentirano je 27 događaja sa obilježjem krivičnog djela iz oblasti protiv života i tijela (jedan manje u odnosu na novembar 2018 godine) i to 22 po poznatom i pet po nepoznatom izvršiocu:

- ubistvo u pokušaju (član 166. KZ FBiH u vezi člana 28.) - sedam (tri više),
- teška tjelesna ozljeda (član 172. KZ FBiH) – tri (pet manje),
- lahka tjelesna ozljeda (član 173. KZ FBiH) – 16 (isto),
- učestvovanje u tuči (član 174. KZ FBiH) - jedno (isto).

Nadležnom tužilaštvu podneseni su službeni izvještaji protiv 27 lica (jedno više), od koji je 12 povratnika ili 44,4%, a 13 je lišeno slobode.

PROTIV SLOBODE I PRAVA ČOVJeka I GRAĐANINA

Iz ove oblasti evidentirano je 30 događaja sa obilježjem krivičnog djela (šest više) i to: ugrožavanje sigurnosti - 28, narušavanje nepovredivosti doma i neovlašćeno optičko snimanje - po jedan, za čije je izvršenje evidentirano je 26 lica, od kojih je 15 povratnika (ili 57,7%), a pet je lišeno slobode.

Događaji sa obilježjem krivičnog djela ugrožavanja sigurnosti u kojima su izvršiocu upućivanjem verbalnih prijetnji, pisanih - prijetećih poruka i sl. ugrozili sigurnost oštećenih lica.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu novembru evidentiran je 31 događaj sa obilježjem krivičnog djela (deset više) i to - nasilje u porodici, za čije izvršenje je prijavljeno 31-no lice, od kojih je 15 (ili 48,4%) povratnika, a 18 lica je lišeno slobode.

PROTIV ZDRAVLJA LJUDI

Evidentirano je 38 događaja sa obilježjem krivičnog djela iz oblasti protiv zdravlja ljudi (osam manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – tri,
- posjedovanje i omogućavanje uživanja opojnih droga (čl. 239. KZ FBiH) – 35.

Nadležnom tužilaštvu podneseni su službeni izvještaji protiv 38 lica, među kojima je 29 povratnika (ili 76,3%), a 26 lica je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv tri lica zbog postojanja osnova sumnje da su u proteklom periodu u više navrata kupovali opojnu drogu "Heroin", "Marihuana", "Ecstasy" od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo **iz člana 238. KZ FBiH-a (Neovlašćena proizvodnja i stavljanje u promet opojnih droga)**, a protiv 35 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Ecstasy", itd.) čime bi počinili krivično djelo **iz člana 239. KZ FBiH-a (Posjedovanje i omogućavanje uživanja opojnih droga)**.

PREGLED ODUZETE KOLIČINE OPOJNIH DROGA U MJESECU NOVEMBRU 2019/18. GODINE

vrsta opojne droge	NOVEMBAR 2019. godine	NOVEMBAR 2018. godine
Marihuana (u gramima)	4.813	980
Marihuana (paketići)	43	6
Marihuana (JOINT - cigarete)	1	---
Heroin (paketići)	4	2
Heroin (u gramima)	6	---
Cannabis ulje (u mililitrima)	2.760	----
Amfetamin (paketići)	2	4
Amfetamin (u gramima)	3.658	1.075
Suboxon (tablete)	10	---
Ecstasy (tablete)	223	98
Pribor sa ostacima droge	8	3

PROTIV IMOVINE

U ovom mjesecu, evidentirano je 270 događaja sa obilježjem krivičnog djela protiv imovine (56 po poznatom i 234 po nepoznatom izvršiocu) što je za 89 ili 49,2% više u odnosu na isti mjesec prošle godine. Iz ove oblasti najbrojniji su događaji:

- teška krađa (član 287. KZ FBiH) – 121 (19 više),
- krađa (član 286. KZ FBiH) – 80 (54 više),
- razbojništvo (član 289. KZ FBiH) – 20 (jedno više),
- oštećenje tuđe stvari (član 293. KZ FBiH) – 19 (tri više),
- teška krađa u pokušaju (član 287. KZ FBiH u vezi člana 28.) – devet (pet više),
- utaja (član 290. KZ FBiH) - pet (isto).

Nadležnom tužilaštvu podneseni su službeni izvještaji protiv 70 lica, od kojih je 48 povratnika (ili 68,6%), a 30 je lišeno slobode.

Od ukupno 234 događaja evidentiranog po nepoznatom izvršiocu iz oblasti protiv imovine naknadno je rasvijetljeno 56 ili 23,9% što je za 11,2% manje u odnosu na novembar 2018. godine.

Tokom mjeseca novembra ove godine, prema objektima izvršenja teških krađa, 39 je izvršeno u stambene objekte (24 manje u odnosu na uporedni mjesec), 36 u motorna vozila (otuđenja motornih vozila i "provale" u ista) (20 više), 19 u poslovne prostorije (dva više), 20 na ulici (pet više), itd.

Takođe, evidentirano je sedam otuđenja motornih vozila od čega su tri ili 42,9% pronađena i vraćena vlasnicima (MUP-a RS-a, MUP-a HNK i vlasnik – pronašli po jedno vozilo).

Evidentirano je 80 događaja sa obilježjem krivičnog djela krađe (54 više) i to na ulici 24 put, u poslovnim prostorijama - 19, u vozilima i na stajalištima GRAS-a - 15, u stambenim objektima - 11, u ugostiteljskim objektima - tri, itd. odakle su otuđivani novčanici, mobiteli, tehnička roba, bicikli, prehrambeni proizvodi, itd.

Evidentirano je 18 događaja sa obilježjem krivičnog djela teških krađa na naročito opasan ili naročito drzak način (13 više), u kojima su izvršiocu, upotrebom fizičke snage (otimanjem i trganjem) - 15 puta i verbalnom prijetnjom u tri slučaja, otimali mobitele, novac i tašne, a evidentirani su: 16 puta na ulici, u prodavnici i haustoru stambene zgrade – po jedno. Nadležnom tužilaštvu podneseni su službeni izvještaji protiv dva lica.

U mjesecu novembru ove godine evidentirano je 20 događaja sa obilježjem krivičnog djela razbojništva (jedan više). Nadležnom tužilaštvu podneseni su službeni izvještaji protiv 22 lica od kojih je 20 povratnika (ili 90,9%), a 12 je lišeno slobode.

Od ukupno 17 razbojništava prijavljenih po nepoznatom izvršiocu naknadno je rasvijetljeno 13 (od čega je 12 iz ranijeg perioda) ili 76,5% (što je za 45,2% više u odnosu na uporedni mjesec).

Razbojništva su izvršena prijetnjom upotrebe vatrenog oružja - 11 puta, prijetnjom upotrebe noža ili drugog oštrog predmeta – pet i upotrebom fizičke snage – četiri puta, a počinjena su u poslovnim prostorijama – šest puta, sportskim kladionicama - pet, u apotekama – tri i na ulici – šest puta. Otuđivan je novac, mobiteli, nakit, cigarete, itd.

PROTIV OPĆE SIGURNOSTI LJUDI I IMOVINE

Iz ove oblasti evidentirano je devet događaja (pet više) i to: izazivanje opće opasnosti – šest, teška krivična djela protiv opće sigurnosti ljudi i imovine - dva i nesavjesno čuvanje pasa i drugih opasnih životinja - jedan, za čije izvršenje su nadležnom tužilaštvu podneseni službeni izvještaji protiv četiri lica, a jedno je lišeno slobode.

Događaji sa obilježjem krivičnog djela izazivanje opće opasnosti izvršeni su na otvorenom prostoru pri čemu je u dva slučaja otvorenim plamenom izazvan požar, dva puta je aktivirana nepoznata eksplozivna naprava, u jednom slučaju upotrijebljeno je vatreno oružje i u jednom slučaju je namjerno onesposobljen kočioni sistem motornog vozila. Posljedica izvršenja navedenih događaja je nastala materijalna šteta i uznemirenost građana.

U ovoj oblasti evidentirano je 27 događaja sa obilježjem krivičnog djela (šest više) i to: nasilničko ponašanje - 13, nedozvoljeno držanje oružja ili eksplozivnih materija – šest, krivotvorenje isprave - četiri, napad na službenu osobu u vršenju poslova sigurnosti – dva, sprječavanje službene osobe u vršenju službene radnje i posebni slučajevi krivotvorenja isprave - po jedan.

Nadležnom tužilaštvu podneseni su službeni izvještaji protiv 29 lica od kojih je 14 povratnika (ili 48,3%), a 13 je lišeno slobode.

1.3. DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu novembru 2019. godine evidentirano je 12 događaja sa obilježjem krivičnog djela, u kojima je učestvovalo 10 maloljetnih lica. U odnosu na isti mjesec 2018. godine povećan je broj događaja sa obilježjem krivičnog djela za sedam ili 140%, a broj maloljetnih lica je isti kao i u novembru 2018. godine.

Starosna dob maloljetnih lica za mjesec novembar 2019. godine

Starosna dob maloljetnika	od 14 do 16 god.	od 16 do 18 god.	ukupno
Broj maloljetnih izvršilaca	3	7	10

Među prijavljenim maloljetnim licima, tri su u dobi do 16 godina i sedam u dobi između 16 i 18 godina, a tri maloljetnika su povratnici.

Struktura događaja sa obilježjem krivičnog djela u kojima su učestvovala maloljetna lica u mjesecu novembru 2019/2018. godine

događaji sa obilježjem krivičnog djela (KZ FBiH)	novembar 2019.	novembar 2018.
teška tjelesna ozljeda		1
lahka tjelesna ozljeda	2	
učestvovanje u tuči	1	
ugrožavanje sigurnosti	2	2
posjedovanje i omog. uživanja opojnih droga	3	
teška krađa	1	
teška krađa u pokušaju	1	
oštećenje tuđe stvari	1	
napad na sl. osobu u vršenju poslova sigurnosti		1
nasilničko ponašanje	1	1
UKUPNO	12	5

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca novembra 2019. godine na području Kantona Sarajevo evidentiran je jedan događaj aktiviranja minsko-eksplozivnih sredstava (nije bilo u novembru 2018. godine) usljed čega je nastupila materijalna šteta. Preduzimaju se aktivnosti na rasvjetljavanju ovog slučaja i pronalaženju učinilaca.

Takođe, evidentirano je sedam anonimnih dojava o postavljenoj eksplozivnoj napravi (nije bilo u novembru 2018. godine), a odnosile su se uglavnom na srednje škole. Nakon KDZ pregleda utvrđeno je da su dojave bile lažne, a preduzimaju se aktivnosti na rasvjetljavanju ovih slučajeva i pronalaženju učinilaca.

POŽARI

Tokom mjeseca novembra 2019. godine, na području Kantona Sarajevo registrovano je 13 požara (šest više u odnosu na isti mjesec prethodne godine), u kojima je jedno lice poginulo, a tri lica povrijeđena.

Prema statističkim pokazateljima, šest požara je izazvano namjerno, dva nehatom, tri zbog tehničkih nedostataka, dok uzroci dva požara spadaju u kategoriju ostalih.

Požari su registrovani u:

- Poslovnim prostorima – četiri puta,
- Saobraćajnom sredstvu – dva,
- Stambenom objektu – jednom,
- Pomoćnom objektu – jednom,
- Ostalim objektima – pet puta.

Zbog izazivanja požara nadležnom tužilaštvu podnesena su četiri službena izvještaja protiv tri lica zbog postojanja osnova sumnje da su počinili krivična djela izazivanje opće opasnosti i paljevinu.

SAMOUBISTVA

U mjesecu novembru 2019. godine na području Kantona Sarajevo registrovana su četiri samoubistva (jedno manje u odnosu na novembar prošle godine) koja su izvršena: vješanjem- dva puta, trovanjem i upotrebom vatrenog oružja – po jednom.

Izvršiocu su tri muškarca starosti: 31, 36 i 81 godina i jedna žena starosti 54 godine.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je osam pištolja, jedna puška, jedan nož, ručna bomba i 32 komada municije raznog kalibra.

Tokom mjeseca novembra ove godine fizičkim licima izdata su 83 odobrenja za nabavku vatrenog oružja i 83 oružna lista.

U izvještajnom mjesecu programe edukacije pohađalo je ukupno 377 policijskih službenika i to permanentne obuke - 175, napredne obuke - 63 i specijalističke obuke (eksterna edukacija) - 139 policijskih službenika. Takođe, izvršeno je bojevo gađanje iz primarnog i sekundarnog vatrenog oružja, kojem je pristupilo ukupno 1.219 policijskih službenika.

JAVNI RED I MIR

U toku mjeseca novembra 2019. godine u oblasti protiv javnog reda i mira evidentirana su **333 prekršaja** (55 ili 14,2% manje u odnosu na isti mjesec 2018. godine), a za izvršenje navedenih prekršaja prijavljeno je **351 lice** (87 ili 19,9% manje).

Zbog učinjenih prekršaja u oblasti protiv javnog reda i mira izdat je 241 nalog i podnesena su 92 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 302 prekršaja (ili 90,7%), a na prekršaje koji su utvrđeni Odlukom općinskih vijeća o javnom redu i miru 31 ili 9,3%.

Od ukupnog broja prijavljenih lica, 34 su lica koja su i ranije činila prekršaje (povratnici), a prema starosnoj strukturi učinilaca prekršaja, najbrojniji su u dobi preko 36 godina (208), između 26 i 35 godina (85), 19 i 25 godina (54) i do 18 godina – četiri učinioca.

Prilikom narušavanja javnog reda i mira u mjesecu novembru 2019. godine, nije bilo teže povrijeđenih lica (kao ni u istom mjesecu 2018. godine), dok je 12 lica (dva manje) lakše povrijeđeno.

Tabelarni pregled strukture prekršaja iz oblasti javnog reda i mira
za mjesec novembar 2019/2018.godina

STRUKTURA PREKRŠAJA	novembar 2019.	novembar 2018.	+ - %	
UKUPNO NALOGA I ZAHTJEVA	333	388	-55	14,2%
UKUPNO LICA	351	438	-87	19,9%
Prekršaji iz Zakona o prekršajima protiv JRiM:	302	349	-47	13,5%
<i>-Tuče</i>	34	54	-20	37%
<i>-Naročito drsko ponašanje</i>	56	58	-2	3,4%
<i>-Odbijanje naređenja i omalov. policijskih službenika</i>	30	24	+6	25%
<i>-Svađa, vika, nepristojno ponašanje</i>	9	29	-20	69%
<i>-Uživanje opojne droge na javnom mjestu</i>	5	7	-2	28,6%
<i>-Neovlaštena upotreba oružja</i>	1	---	+1	---
<i>-Paljenje petardi</i>	1	---	+1	---
<i>-Prosjačenje</i>	109	120	-11	9,2%
<i>-Ostali prekršaji iz Zakona o prekrš. protiv JRiM</i>	57	57	isto	---
Prekršaji prema Odluci OV o JRiM	31	39	-8	20,5%

Prema vrsti prekršaja, najbrojniji su sljedeći prekršaji: **prosjačenje** (109 ili 32,7% od ukupnog broja), naročito drsko ponašanje (56 ili 16,8%), tuče (34 ili 10,2%) i odbijanje naređenja i omalovažavanje policijskih službenika (30 ili 9%). Takođe, evidentirano je 57 prekršaja iz kategorije ostali prekršaji i 31 prekršaj koji su regulisani Odlukom općinskih vijeća.

U odnosu na isti mjesec 2018. godine povećan je broj prekršaja učinjenih odbijanjem naređenja i omalovažavanjem policijskih službenika, neovlaštenom upotrebom oružja i paljenjem petardi, broj ostalih prekršaja ostao je isti, dok je broj ostalih prekršaja smanjen.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (307 ili 92,2%), a znatno manje u ugostiteljskim objektima (13 ili 3,9%), u školama i školskim dvorištima (četiri), a na ostalim mjestima devet prekršaja.

Tabelarni pregled strukture prekršaja iz oblasti javnog reda i mira prema mjestu izvršenja
za mjesec novembar 2019/2018. godine

MJESTO IZVRŠENJA	novembar 2019.	novembar 2018.	+ - %	
Ulice i drugi otvoreni prostori	307	345	-38	11%
Ugostiteljski objekti	13	20	-7	35%
Sportski stadioni i dvorane	---	2	-2	---
Vozila javnog saobraćaja	---	3	-3	---
Škole i školska dvorišta	4	2	+2	100%
Trgovinske i zanatske radnje	---	1	-1	---
Ostala mjesta	9	15	-6	40%
UKUPNO	333	388	-55	14,2%

U odnosu na isti mjesec 2018. godine, povećan je broj prekršaja evidentiranih u školama i školskim dvorištima, dok je na svim ostalim mjestima smanjen broj prekršaja.

Na području Kantona Sarajevo u mjesecu novembru 2019. godine održano je 289 javnih skupova (57 ili 24,6% više u odnosu na mjesec novembar 2018. godine). Policijski službenici Uprave policije proveli su planske aktivnosti za održavanje javnih skupova, koji su protekli bezbjedno, a u 66 slučajeva izvršeno je KDZ osiguranje.

SAOBRAĆAJ

Na području Kantona Sarajevo u mjesecu novembru 2019. godine u odnosu na isti mjesec prethodne godine povećan je ukupan broj saobraćajnih nezgoda, broj nezgoda sa materijalnom štetom i nastradalim licima i broj povrijeđenih lica.

Registrovane su 782 saobraćajne nezgode (148 ili 23,3 % više u odnosu na mjesec novembar prethodne godine), od čega je 715 sa materijalnom štetom (130 ili 22,2 % više) i 67 sa nastradalim licima (18 ili 36,7 % više).

Tokom mjeseca novembra 2019. godine u saobraćajnim nezgodama na području Kantona Sarajevo 79 lica je povrijeđeno (13 ili 19,7 % više), od čega 15 teže i 64 lakše. U navedenim nezgodama nije bilo poginulih lica.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
ZA MJESEC NOVEMBAR 2019./18. GODINE

	NOVEMBAR 2019	NOVEMBAR 2018	+,-,%
UKUPNO SAOBRAĆAJNIH NEZGODA	782	634	+ 148 ili 23,3 %
Saobraćajne nezgode sa nastradalim licima	67	49	+ 18 ili 36,7 %
Saobraćajne nezgode sa materijalnom štetom	715	585	+ 130 ili 22,2 %
POGINULO LICA	0	2	-2
- vozači	0	1	- 1
- putnici	0	1	- 1
- pješaci	0	0	-----
POVRIJEĐENO LICA	79	66	+ 13 ili 19,7 %
- vozači	40	26	+ 14 ili 53,8 %
- putnici	19	19	isto
- pješaci	20	21	- 1 ili 4,8 %

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU NOVEMBRU 2019. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju		14	45	680	739		15	56
van naselja			8	35	43			8
UKUPNO		14	53	715	782		15	64

Prema **kategoriji puta**, najveći broj saobraćajnih nezgoda registrovan je:

- na ulicama u naselju – 333 nezgode u kojima je 28 lica povrijeđeno (dva teže i 26 lakše),
- na magistralnim putevima – 241 nezgoda u kojoj su 23 lica povrijeđena (šest teže i 17 lakše),
- na regionalnim putevima – 67 (šest lica lakše povrijeđeno),
- na lokalnim putevima – 42 (dva lica lakše povrijeđena),
- na putevima koji se ubrajaju u kategoriju ostalih – 99 saobraćajnih nezgoda (20 lica povrijeđeno, sedam teže i 13 lakše).

POSLJEDICE SAOBRAĆAJNIH NEZGODA

Tokom mjeseca novembra 2019. godine, u saobraćajnim nezgodama na području Kantona Sarajevo povrijeđeno je ukupno 79 lica (13 ili 19,7 % više), od čega 15 teže i 64 lakše.

STEPEN POVREDA UČESNIKA U SAOBRAĆAJNIM NEZGODAMA

- Vozači :
40 vozača je povrijeđeno: sedam teže i 33 lakše
- Putnici:
19 putnika je povrijeđeno: jedan teže i 18 lakše
- Pješaci:

20 pješaka je povrijeđeno: sedam teže i 13 lakše

Starosna dob nastradalih lica u saobraćajnim nezgodama je slijedeća:

- ispod 6 godina – dva lica,
- od 6 do 17 godina – dva,
- od 18 do 24 godine – 13,
- od 25 do 30 godina – devet,
- od 31 do 40 godina – 18,
- od 41 do 50 godina -13,
- od 51 do 65 godina- 13
- 66 i više godina – sedam,
- nepoznata starosna dob – dva lica.

Starosna dob nastradalih vozača u saobraćajnim nezgodama je slijedeća:

- od 18 do 30 godina – 12 lica,
- od 30 do 40 godina – 13,
- od 40 do 50 godina – 10,

- od 50 do 60 – jedan,
- od 60 i više godina – četiri lica.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 676 (65 lica povrijeđeno, 10 teže i 55 lakše),
- neprilagođena brzina – 86 (10 lica povrijeđeno, tri teže i sedam lakše),
- uticaj alkohola – 18 (četiri lica povrijeđena, dva teže i dva lakše),
- oštećenje puta – dvije nezgode (bez nastradalih lica).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca novembra 2019. godine, policijski službenici Uprave policije MUP-a Kantona Sarajevo kontrolisali su:

- 19.356 vozila (27 više),
- 4.590 lica u vozilima (739 manje),
- pregledali 719 vozila (514 više) i 277 lica u vozilima (115 više).

Zbog tehničke neispravnosti iz saobraćaja je isključeno 31 vozilo (jedno manje), 373 vozača su zatečena da upravljaju vozilom pod dejstvom alkohola (24 više), 543 bez korištenja sigurnosnog pojasa (254 više), 172 bez položenog vozačkog ispita (31 više), 84 pod izrečenom zaštitnom mjerom (24 više), 322 vozača su zatečena da koriste mobilitel tokom vožnje (43 manje) i 711 vozila koja su učestvovala u saobraćaju bez važeće registracije (467 više).

Zbog kršenja propisa iz oblasti sigurnosti saobraćaja uručeno je 19.818 prekršajnih naloga vozačima (3.336 ili 20,2 % više u odnosu na mjesec novembar prošle godine) i podneseno 176 zahtjeva za pokretanje prekršajnog postupka (128 ili 266,7 % više).

MIRUJUĆI SAOBRAĆAJ I KONTROLA PJEŠAKA

Tokom mjeseca novembra 2019. godine kontinuirano su se provodile aktivnosti u pogledu saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je **7.676** prekršajnih naloga (1.284 više), upozoreno 239 vozača (141 manje), a specijalnim vozilom “pauk” premješteno je 267 vozila (102 više).

Takođe, pješacima koji su kršili propise uručeno je 177 prekršajnih naloga (25 više), a upozoreno je 36 pješaka (četiri manje).

ZAKONITOST U RADU

Tokom mjeseca novembra 2019. godine, registrovana su dva napada (jedan više) na policijske službenike MUP-a KS: Jedinice za saobraćaj i Četvrte PU – po jedan napad. Jedan napad je bio pojedinačni a jedan grupni u kojem su učestvovala dva lica. Napadači su koristili fizičku snagu i tom prilikom su tri policijska službenika lakše povrijeđena.

Takođe, u dva slučaja opravdano je upotrijebljena sila (jedna manje u odnosu na mjesec novembar prethodne godine).

Tokom izvještajnog mjeseca, razmatrano je 30 predstavki na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 15 predstavki (sedam više) provede unutrašnja istraga, za osam predstavki je odlučeno da su neosnovane, za pet da se izvrše provjere i prikupi dokumentacija, za jednu da se proslijedi Sektoru uniformisane policije na nadležno postupanje i za jednu da je Odbor nenadležan.

Od ukupno 30 razmatranih predstavki, 22 su podnesene od strane građana, a osam predstavki predstavljaju saznanja iz službe.

Okončano je 18 unutrašnjih istraga, među kojima je sedam neosnovanih, sedam je bilo bez dovoljno dokaza, u jednom slučaju istraga je osnovana, jednom oslobađajuća, u jednom slučaju stranka je odustala od žalbe, dok je u jednom slučaju istraga upućena na dopunu.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali brojne aktivnosti u cilju uspostavljanja što bolje saradnje sa građanima, mjesnim zajednicama, školama, predstavnicima vjerskih zajednica, raznim udruženjima građana i nevladinim organizacijama.

Osim saradnje sa mjesnim zajednicama, školama, preduzećima i drugim institucijama, policijski službenici u zajednici su postupali po planovima na zaštiti povratnika i manjinskih naroda, s ciljem stvaranja i osiguranja povoljnog ambijenta za život ovih kategorija stanovništva.

Tokom mjeseca novembra 2019. godine realizovane su slijedeće aktivnosti:

- Realizacija projekta „Lopov uvijek bude otkriven“ u 13 osnovnih škola na području Četvrtne PU.,
- Održavanje edukativnih radionica: „Stop vršnjačkom nasilju“, „Prevencija maloljetničkog prijestupništva“, „Kultura saobraćaja“, „Djeca u saobraćaju“, itd., u osnovnim i srednjim školama na području Kantona Sarajevo,
- Prisustvovanje radionici „Strateško planiranje dugoročne rehabilitacije i reintegracije mladih i djece povratnika iz ratom zahvaćenih dijelova Sirije i Iraka“, održanoj u organizaciji NO „Hope and homes for children“ – BiH.,
- Realizacija projekta „See Change Net – Foundation“, pod nazivom „Održivi plan urbane mobilnosti za Grad Sarajevo i Kanton Sarajevo“, s ciljem iznalaženja rješenja u pogledu smanjenja saobraćajnih gužvi na području Grada i Kantona Sarajevo,
- Posjeta učenika osnovnih škola i mališana vrtića organizacionim jedinicama Uprave policije.

Sarajevo, 16.12.2019.godine

Odjeljenje za odnose s javnošću

